## HISTOIRE

MEMORABLE SVR les Prodiges nouuellement apparus en l'air, sur la ville de Sainct Georges en Hongrie.

Où il est declaré combien de iours ils ont duré, & en quel temps, auec le progrez & suitte des choses y suruenuës.

Ladicte Histoire traduitte d'Italien, & nounellement mise en François.



A PARIS,

Chez GVILLAVME BINET, en la rue des Amandiers, à l'Image S. Nicolas.

Auec Prinilege.

HISTOIRE ME MOrable sur les Prodiges nouvellement apparus en l'air, sur la ville de Sainct Georges en Hongrie.



ARMY les histoires plus celebres & prodigieuses, non de
ce siecle, mais de
tous ceux du pas-

sé, rien ne se remarque de si espouuantable, soit en la consideration des merueilles, soit en la meditation de l'aspect, que ce qui s'apparut l'ynziesme iour d'Aoust dernier, auec yn terrible esbahisse.

ment & crainte, tant de tous ceux qui estoyent presens en laditte ville, que d'vn grand nombre d'autres, suruenus des pays circonuoisins, pour estre spectateurs de cest admirable prodige apparu audit iour, sur ladicte ville de Sainct Georges, situee pres la riuiere de Iorna, qui est distante de six lieuës & demie du tres renommé lac de Balaton en la haute Hongrie. Ledit iour vnziesme d'Aoust, l'air de serain & calme qu'il estoit, sur les vnze à douze heures se troubla en mesme temps, & à l'instant on commença à ouir des gemissemens & hurlemens en l'air, & sébloit que leur son & repercussió portassent vers l'Occident, & par fois vers le Septentrion, dequoy le peuple rauy

& estonné, deuint quasi hors de soy, qui dans les rues, qui dans les fenestres, pour voir le succez d'vn si merueilleux prodige: deux heures apres midy commencerent cesser ces gemissemens, qui apportoyent à vn chacun tresgrande terreur, & l'air retourna vn peu serain & tranquille, & lors fut apperceuë vne Croix d'immense grandeur, laquelle s'estendoit vers l'Occident du costé droit, & vers l'Orient du gauche, autre chose ne pouuoiton apperceuoir, si ce n'est que aux bouts de ladite Croix y auoit des corps diaphanes, reluysans commeles rayons du Soleil, & sur le milieu de ladite Croix on voyoit vne couronne d'espines attachee, & vn foüet du costé

droit, aux pieds apparoissoit vne figure d'homme de moyenne taille, & de vilage: venerable, tenant les mains sointes, & sembloit qu'il demandast pardon & misericorde, abbatu & humilié deuant la dite Croix: à cause dequoy tout le peuple estoit prosterné par les rues, esmeu de crainte & deuotion ensemble, & crioyent miscricorde de leurs fautes commises. Le semblable faisoyent-les gens de l'hostel du Sieur Iean Destander Conte & Seigneur de la dite ville, lequel auec la Dame Helene sa femme, deux fils & vne fille, vindrent contribuer à l'exemple des Niniuites repentis, leurs vœux & prieres auec ce peuple, pour appaiser l'ire de Dieu & reclamer sa misericot-

de, de maniere qu'il ne se voyoit que pleurs, gemissemens, oraisons zelees, repentance, contrition, & toutes autres vertus picuses & chrestiennes, en la contemplation du mystere de la redemption, vn chacun estant prosterné & humilié sur l'aspect de ceste tres-saincte Croix, vn chacun dyje rauy en extase, craignant quelque orage & malheur prochain, d'autant que le plus souuent Dieu pour s'accommoder à nos infirmitez, nous visite par des signes & presages, afin de nous resueiller de nostre profond sommeil, & pour nous aduertir qu'il ne faut croupir dans la fange de la chair: ains mediter sa passion, quelquesfois il se sert des verges & fleaux, comme de la guerre, peste & fa-

mine & choses semblables, plus recogneuës différentes à nos sens, mais toutes procedantes de son ire, pour nous esmouuoir à contrition & repentance, par ainsi en ceste action vous n'eussiez veu ny ouy que continuelles clameurs d'hommes & femmes, & oraisons tres-ardentes à Dieu, auec tant d'humilité & reuerence. qu'onne se soucioit de prendre refection, demeurans prosternez par les ruës, la plus part, iout & nuist, en perpetuelles oraisons pour le salut commun & vniuersel, peu se retirans pour les infirmitez naturelles. Les rayons qui estoyent à l'entour de ladite Croix seruoyent de clarté & lumiere aux allans & venant, & sembloit estre vn iour perpetuel;

à l'instar du phare & brandon qui luisoit toute nuiet, afin que les enfans d'Israël fussent conduits. Le iour suyuant sur le poinci de l'Aurore y eut un terrible tonnerre auec de grands esclairs, & sembla que le Ciel s'ouurist pour receuoir, r'appeller & repeter ceste tres saincle Croix, laquelle ayant disparu, l'air resta tout de couleur de sang, qui causa va plus grand effroy que deuant dans le cœur des assistant qui cltoyent tous comme en sétipelle de ce qui succederoit ayans les. yeux dressez vers le Ciel, l'air se troubla derechef & apparut vu nouueau & monstrueux prodize, sçauoir deux animaux, l'vn desquels ressembloit à un Pard marqueté de plusseurs taches, &

l'autste ëstoit semblable à vn Bas Augunt la quelit enfortillec's? pstiffe veninfices deux animaux se monstroyent superbe mehr Hortibles & acharnez 1499 contre l'autre en conflict & dec bat le due loue prife pair eux fail Re lemblement? ce pendant coistinuovent tousions éés has lemensial bruirgite but, qui aucl griffent & accraillogentilas frakkall & crainte des 3shapay duPtouse d'vii commundessie aep tengoisèté le filecezoide ées prés sales sur multitude du peapple तिर्मिति ति विभागः विभागः विभागः विभागः de ces villois la élpais par court account vii grand nombre des pérfonnes des lieux circonudeb sins, qui furent spectateurs der


ce qu'ils croyoient le moins voir, auec grande admiration & estonnement, veu que les dits animaux combatirent depuis huict heu; res iusques à midy. Finalement ilsembla que le Pard forçait le Basilic & le vainquit, bien que difficilement on le pouuoit apperceuoir pour l'obscurité de la nuict plus grande que celle de la nuict: Et eltoit le Serpent ou Basilic tourné auec la queue vers l'Occident, & le Pard vers l'Orient, miracles pleins de meditation à cause des qualitez de cesdits animaux, l'vn affectant le Leuant & l'autre le Couchant, lesquels apres vn long combat disparurent auec vn grand tintamarre qui se faisoit dans l'air, & sembloit que les gemisse-

mens ouys le jour precedent, se redoublassent de nouueau, & durerent l'espace de deux heures, mais c'estoit toussours auce vne agitation & reuolution de nuces obscures, qui se faisoyent en l'air, & volloient comme des fleches: apres il sembla que le Ciel retournoit serain, & l'air en sa tranquillité accoustumee, auec beaucoup de ressouyssance & allegresse de ces peuples, & en particulier dudit Conte Ican Destander, & de sa famille. Tels donques ont esté les merueilleux prodiges veuz l'unzielme & douziesme iours du mois d'Aoust de l'annee passée mil six cens vn, auec tresgrande frayeur & admiration des assistans. Prions nostre Seigneur Dieu que par sa

faincte misericorde & bonté, nous vueille garder de semblables prodiges, & qu'il luy plaise imprimer en nos cœurs vn desir assamé de bien faire, ayant tousiours sa crainte deuant nos yeux, & son service en recommandation, pour participer aux dons & graces qu'il a promis à ceux qui l'aiment & sont ses commandemens, & en sin estre faits heritiers du Royaume Celeste.

FIN.

Lest permis à Guillaume Binet Imprimeur, d'Imprimer la presente Histoire, & desences à tous autres Imprimeurs & Libraires de l'Imprimer ny la faire Imprimer, vendre ny distribuer autres que celles Imprimees par ledit Binet, sur peine de dix escus d'amende. Fait à l'aris le troissessine iour de Iuin, mil six cens deux.



ı